



Broj: 09-20-11-2-1485
Sarajevo, 12.10.2023. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2023. godini, direktor po Rješenju o ovlaštenju Vlade Federacije Bosne i Hercegovine, V. broj: 1051/23 od 02.08.2023. godine („Službene novine F BiH“ broj: 59/23), d o n o s i

O D L U K U
o izboru najpovoljnijeg ponuđača za javnu nabavku
Nabavka i sukcesivna isporuka guma

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka i sukcesivna isporuka guma“, te se ugovor dodjeljuje ponuđaču „GUMA VP 200“ d.o.o. Mostar, čija cijena ponude iznosi 11.100,00 KM bez PDV-a.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Za izvršenje Odluke zadužuje se Sektor za materijalno- finansijske poslove.

IV

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

V

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka i sukcesivna isporuka guma“, broj Obavještenja o javnoj nabavci broj: 1412-7-1-155-3-72/23 od 22.06.2023. godine i ispravka obavještenja o nabavci 1412-7-1-155-8-74/23 od 27.06.2023. godine.

Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora iznosi 19.150,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2023. godini, broj Rješenja o imenovanju 09-19/1-30-2-24 od 04.01.2023. godine i 09-19/1-30-2-24/23 od 30.06.2023. godine.

U postupku je utvrđeno da je preporuka Komisije o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene tri (3) ponude, koje su ujedno i blagovremene, i to ponuđača: „UNITRADE“ d.o.o. Ljubuški, „EURO DAM-JAS“ d.o.o. Lukavac i „GUMA VP 200“ d.o.o. Mostar,
- da nije bilo neblagovremeno zaprimljenih ponuda,
- da je Komisija konstatovala da su ponuda ponuđača: EURO DAM-JAS“ d.o.o. Lukavac i „GUMA VP 200“ d.o.o. Mostar **prihvatljive** (ponuđač „GUMA VP 200“ d.o.o. Mostar je u dostavljenoj kataloškoj dokumentaciji za stavku pod rednim brojem 8. obrazca za cijenu ponude-robe (Anex II) naveo da nudi gumu dimenzija 245/45R18 dok je tražena guma dimenzija 235/45R18. Obzirom da je navedeni ponuđač u Žalbi izjavljenoj na Odluku o izboru najpovoljnijeg ponuđača broj: 09-20-11-2-1485 od 21.07.2023. godine u vezi spomenutog naveo da se radi o lapsusu prilikom obilježavanja gume koja je ponuđena u dostavljenom katalogu, te da se odgovarajuća guma nalazila u dostavljenom katalogu odmah iznad pogrešno obilježene (što je Komisija i utvrdila ponovnim pregledom ponuda), a uzimajući u obzir Rješenje Ureda za razmatranje žalbi BiH broj JN2-03-07-1-1929-10/23 od 29.09.2023. godine u predmetnom postupku nabavke, Komisija je cijenila da se radi o grešci ili propustu manjeg obima što bitno ne utiče na samu potpunost ponude (u dostavljenom katalogu uz ponudu se nalazi i tražena tj. odgovarajuća guma za stavku pod rednim brojem 8. obrazca za cijenu ponude-robe), te da iste ispunjavaju sve tražene uslove iz tenderske dokumentacije,
- da je ponuda ponuđača „UNITRADE“ d.o.o. Ljubuški ocjenjena kao **nepravilna** iz sljedećih razloga:
 - ponuđač „UNITRADE“ d.o.o. Ljubuški je u dostavljenoj kataloškoj dokumentaciji za stavku pod rednim brojem 8. obrazca za cijenu ponude-robe (Anex II) naveo da nudi gumu dimenzija 225/45R18 dok je tražena guma dimenzija 235/45R18, te je evidentno da ponuđena guma nije u skladu sa zahtjevanom tenderskom dokumentacijom u obrazcu za cijenu ponude-robe (Anex II). Također za istu stavku je tražen index nosivosti minimalno 98 dok je ponuđena guma indexa nosivosti 95, što je manje od minimalno zahtjevane specifikacije,
 - da je Komisija u svrhu provođenja postupka e-Aukcije, dana 09.10.2023. godine, dostavila Sektoru za materijalno- finansijske poslove listu prihvatljivih ponuda,
 - da je Komisija dana 12.10.2023. godine, zaprimila akt sa Izveštajem o toku i završetku e-Aukcije, u kojem je navedeno da je napovoljniji ponuđač u predmetnom postupku javne nabavke ponuđač „GUMA VP 200“ d.o.o. Mostar,

čija cijena ponude iznosi 11.100,00 KM bez PDV-a, nakon čega je Komisija, u skladu sa kriterijumom za dodjelu ugovora u konkretnom postupku nabavke - najniža cijena, dala preporuku o izboru najpovoljnijeg ponuđača.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.

**DIREKTOR**
(po ovlaštenju Vlade FBiH)
GLAVNI INSPEKTOR
Vahidin Munjić

Dostaviti:

- Sektor za mat. fin. poslove
- ponuđačima
- u spis